

4835

Ա. ՍԵՄԱ

# ԶՐԱՀԱԻՈՐ ԳԱՐՈՒՆ



«ՄՇԱԿՈՅՑ»


891.99
Ս-38

Հայաստանի Օրոնցիւնը -

Ընդդէմ թէ արժեք չի ունի արտաքին  
կէք անկողնային շարժումը : ~~Մ. Թեմուր~~

891.99  
U-38

Ա. ՍԵՄԱ



Գ Ա Ր Ո Ի Ն

ԵԸ

4835



Փ Ա Ր Ի Զ

1956

4835

Զ Օ Ն

ԱՆԱՍՏԵՂԾՈՒԹԻՒՆՆԵՐՈՒՍ այս առաջին հասորը կը նուիրեն մօրս՝ որ իմ լաւութիւնս միայն ցանկաց ու իրագործեց, որ ինձ կեանք տուաւ ու քա՛ւ որ ես սպրիմ. հիմա անհասուցանելի երախագիտութիւն միայն ունիմ իրեն հանդէպ Բանաստեղծութիւններուս այս առաջին հասորը կը նուիրեն հօրս՝ որ նահատակուեցաւ Մեծ Սպանդին, երեսուն տարեկան հասակին մէջ, որպէսզի իր զաւակները *Հայրենի՛ք* ունենան: Բսան տարիներ անոնք իրարմէ առյաւէ՛տ բաժնուած՝ առանձին մնացին. կ'ուզեմ որ այս փերուածներուն մէջ անոնք միասին ըլլան:

ԳԵՂԱՄ ԱԹՄԱՃԵԱՆ

23 Փետրուար, 1936.

18058-58



## Գ Ա Ր Ո Ւ Ն

ՂԱՐՁԵՍԱԼ կ'իյնայ դաշտերուն՝ զարնան ժըպիտը կանանց,  
Դարձեալ արեւն իր սակի կը սփռէ շողն ու ճաճանց,  
Դարձեալ բարտին սըլարձակ կը փըռէ շուքն հեռուներ,  
Ու հոգիիս մէջ՝ դարձեալ զիւղիս պատկերն է լեցուեր... :

Յիշատակովն առլըցուն արդ օրերուն հընաւանդ,  
Իմ ծէր հոգիս կոչելով ապրումներու արգաւանդ,  
Դարձեալ ինծի կը դառնայ իմ մանկութիւնս զեղանի,  
Ուսերս ի վար թափելով զգուանքն առոյգ զարունի :

Մամուռի պէս հնամենի, փակչած հոգւոյս ծերպերուն,  
Գեղջուկ երգեր ու յուշեր արդ մի առ մի կը թափին՝  
Զերթ լըճակի մ'հայելին ինկած ցոլքէ մ'երբերուն... :

Ի՞նչ բառերով կոչեմ քեզ՝ հոգեպարա՛ր իմ անցեալ,  
Ի՞նչ երգերով յագուրդ տամ յոյգերուս յո՛րդ տարափին,  
Մինչ սրտիս խոր կը հնչէ արդ ներկայի ամո՛ւր քայլն... :

23—3—932.

## Հ Ա Յ Ա Ս Տ Ա Ն Ի Ն

**Ք**ՆՔՈՅՇ գլուխդ ուսիս հիմա, սիրատենչիկ կընոջ նըման,  
եւ մազերուդ մետաքսը նուրբ իմ տղու բո՛ց մատներուս տակ,  
Արդ կը գտնեմ, կրկին անգամ, բառի մը պէս քեզ վանկ առ վանկ,  
Դո՛ւն, իմ սրտէս պոկուած երազ, երազի՛ գոյն իմ Հայաստան...:

Մինչ պահ առ պահ անկարեկիր կը խուսափի ինձմէ ներկան,  
Բայց ապրըւած ամէն ընկալ կը մօտեցնէ քիչ մ'աւելի  
Քեզ դառնալու յոյսը չքնաղ իմ հոգիիս անկապտելի,  
Ու ես ընդմիջտ քե՛զ կը սիրեմ, կ'ըղծամ, կը զգամ ո՛վ Հայաստան:

Հոգիէս ներս կը ծաւալի քու երկնքիդ կապոյտն անդորր,  
Ու սիրավառ ես կը բանամ երկու թեւերս կարօտակէզ՝  
— Հորիզոնիդ անձի՛ր գօտի — որ լեռնէ լեռ մէ՛կ գրկեմ քեզ:

Դո՛ւն, մեր առոյգ բազուկներուն, պայքարներուն մեր առնական,  
Մեր աննըկուն կամքին, ճիգին հըրաշակերտը՝ Հայաստա՛ն,  
Օ՛ր ընդունէ՛ զիս ալ այլեւս պատմութեանիդ ներքեւ բոսոր...:  
1—9—932.

## Ն Ե Ր Գ Ա Ղ Ք

**Ք**ԵՉԻ՛ վազող զաւակներուդ կարաւանին  
Աւանդ կուտամ բանաստեղծի սիրտըս խոնարհ,  
Քու նորապեղ ջըրանցքներուդ պղտո՛ր ջուրին  
Հոգիիս երգը խառնելու Հայո՛ց Աշխարհ:

Քու հողերուդ մէջ աշխատիլ, քեզի համար  
Մերթ տառապիլ բայց երջանիկ ըզգալ ինքզինք  
Լաւ օրերու հեռանկարովը խանդավառ.  
Կանա՛չ դաշտեր, ոսկի՛ արտեր, կապո՛յտ երկինք...:

Քու վերելքի ճամբուդ վըրայ, խիզախ ու վէս,  
Մի՛ մոռնար մեզ եւ ըրէ՛ որ մենք ալ յետոյ  
Կատարուած մե՛ծ գործին դիմաց երջանի՛կ, զո՛հ,

Խորհինք թէ մե՛նք ալ մաս ունին այն քրտինքէն՝  
Որ հոսեցա՛ւ ոռոգելու խանձած հողերդ,  
Այն արցունքէն՝ որ ծիլերուդ սնունդ ջամբեց:  
14—7—933.

## ՍԵՄԻՆ ՎՐԱՅ

Ի ՋՈՒԻՐ կ'ուզեն մտքիս վըրայ հին օրերուն  
Տրտում ու հէք յուշերն ընդմիշտ աիրել: Ահա՛  
ես նոր կեանքի անիւին եմ փարած հիմա  
Ու նոր իղձեր արդ կը սանին սիրտըս հեռուն...:

Հեռուն, հեռուն, հայրենիքիս վերածընող,  
Որ կեանք կ'առնէ, եւ նո՛ր յոյզեր, եւ նո՛ր աւիշ.  
Եւ ուր սրտերը կը վառեն ջահեր ուրիշ,  
Եւ ուր փառքի արդ կը կերտեն ուրիշ կոթող:

Օտար եմ ես կեանքի անել այս համբուն վրայ  
Ու ա՛լ չըկայ սիրտըս այրող մոծի՛ր մը կրակ,  
Ու հէք հոգիս խաւարին մէջ լոյս կը մուրայ:

Երթա՛լ, երթալ ու իյնալ մէջն այդ բոցերուն.  
— Խորտակելով սրտիս մտքիս դռները փազ —  
Ու խառնուիլ վերածնունդի խօ՛լ երգերուն...:  
27—11—932.

## ՆՈՐ ԶԱՏԻԿ

ԱՄէն րոպէ դար մ'է հիմա  
Եւ ամէն դար մէ՛կ ակնթարթ.  
Ու դարերու սրտին կ'իյնայ  
Հայաշխարհի երգը հըպարտ:

Հոգիէս ներս կ'իյնան մէկ մէկ  
Իւրաքանչիւր վանկն այդ երգին,  
Եւ նոր կեանքին՝ ամէնուրեք  
Ես կը լըսեմ զարկը ուժգին:

Ինչպէս ժիր ծառն աւիշ կ'առնէ  
Արմատներն իր խըրած հողին,  
Հայ կեանքն առոյգ արդ կը յառնէ  
Արագածի շըքե՛ղ կողին...:

\* \* \*

Կը լըսուին արդ դաշտերու խոր  
եւ ընդերքին մէջ ձորերու  
Ֆապրիկներու ժիրն ու ժըխոր,  
Խինդն ու խնծիղ բանուորներու :

Եւ դեռ հեռուն գործարանէն,  
Արեւուն մէջ, վէ՛ս գիւղացին  
Կը հերկէ արան ու կը ցանէ  
Խոստումն աղուոր վաղուա՛ն հացին :

Ու հայ զինուորն՝ որ կը հըսկէ  
Սահմաններուն վըրա բոլոր,  
Որ թշնամին չըգա՛յ զրկէ  
Ժողովուրդն այդ աշխատաւոր :

\* \* \*

Կը բաղձայի ըլլալ, որքա՛ն,  
Իրիկուն մ'այնտեղ մըշակը խոնջ,  
Եւ ուսերուս զգալ վըրան  
Վերջալոյսի կարմիրն ամբողջ . . . :

Ջատկի կարմի՛ր արեւամուտ՝  
Որ փըռէ մութ պատմուճանն իր,  
Իբր Յարութեան շըքե՛ղ խորհուրդ,  
Նորո՛գ վաղուան մը ի խնդիր :

12—4—33.

## ՀԱՅԱՍՏԱՆԵԱՆ ՏԱՐԵԴԱՐՋ

ԺԸՆՈՐԻՆ մէջ մեծ քաղաքին, իր եռուգեռ փողոցներուն,  
Իդժ մը՝ յոյսի պէս սիրագին՝ խոհերուս խոր, քայլերուս հետ,  
Ժամացոյցի սըլաքին հետ սալին ինկած մուրճի հանգոյն,  
Ամէն վայրկեան քեզ կը կերտէ ինծի համար՝ նո՛ր ու յաւէ՛տ . . . :

Գիտեմ թէ դուն երազ մը չե՛ս, պատրանքը չե՛ս մեր տենչերուն,  
Գիտեմ թէ դուն հո՛ղ ես, քա՛ր ես, աշխատանքի, երգի հընոց,  
Գիտեմ թէ դուն բոց ու կրակ ես, երիտասարդ ու եռանդուն,  
Գիտեմ նաեւ որ հընօրեայ մեր Եղեմն ես՝ Աշխա՛րհ Հայոց . . . :

Մէն մի ծաղիկ՝ որ լանջքիդ վրայ երանգ ու բոյր կը զգենու վառ,  
Բըրիչ ու բահ՝ որոնք կ'իյնան աշխոյժ ու կեանք տալու սրտիդ,  
Երգի ծըւէն մ'օղէն առկախ եւ կամ իմաստ հազած մէկ բառ՝  
Ինձ մասունքի պէս թանկարժէք, ու ժըպիտի պէս են վըճիտ :

Դո՛ւն՝ խոհերուս լուսե՛ղ կեդրոն, միտքս մասնիկ՝ փրթած սրտէդ,  
Հազարամեայ քու գոյութեանդ նոր շըջանի տարեդարձին՝  
Քիչ մը տըխուր, սակայն հըպա՛րտ քեզմով՝ երկի՛ր իմ նորակերտ,  
Նըւազ դժբախտ կը զգամ ես զիս, նըւազ լքուած ու առանձին . . . :  
24—11—933.

ԱՇՈՒՆ, ԴՈՒՆ ԵՍ ՆՈՐԷՆ...

ԱՇՈՒՆ, դո՛ւն ես Նորէն, որ համբոյրով քու թաց,  
Կը թափանցես մինչեւ խորունկը մեր հոգւոյն.  
Պարտէզներն արդ պճնած նոր գոյներով նրբին,  
Բընութեան հոգածու մօր մը նըման զըթած:

Իր անդարծ օրերուն յիշատակին կը պած  
Մեր անոք սրտերուն ապաւէնը վերջին.  
Օ՛ հը պանցումն անգութ բընութեան պաղ շունչին,  
Կապարի գոյն երկինքն՝ որ արդէն կ'իջնէ ցած:

Պատանքի պէս ճերմակ պիտի իջնես ծմբան,  
Վերմակիդ տակ ձիւնէ պարուրել պարտէզներն  
Ու ճամբաներն՝ ուրկէ քալեցինք անվարան

Հասնելու անմատոյց ապագայի՛ն լուսեղ.  
Հասնելու սրտերու նուագի՛ն ինքնանուէր,  
Բայց կանգ կ'առնենք իր գոց դըրան առջեւ շրքեղ...  
25—9—35.

ՄԱՇԱՃ ներբաններով քալել հին ուղիէն,  
Խըլել հովէն անցնող քանի մը բառ ու վանկ,  
Հորիզոնն ունենալ աչքերուդ՝ սրտիդ վրան,  
Մկրատուած՝ երկնամերձ տուներու քիւերէն...:

Մոռնալ կապոյտ երկինքն հայրենի մեր երկրին,  
Պզտիկ ու փոքրարժէք յոյզերով խանդավառ  
Մոռնա՛լ իմատոն անգամ մեր կեանքին ոգեւար,  
Պահն ալ, որ ա՛լ բնա՛ւ պիտի չապրինք կրկին...:

Օտարներու համար աշխատող ձեռքն ըլլալ,  
Անդամալոյժ լըքած մեր աշխարհը հը պարտ.  
Օտար մ'ըլլալ անծիդ, բոլորին համար ալ:

Սակայն, աւա՛ղ, սիրել սրտի խորո՛ւնկ սիրով  
Կեա՛նք կոչուած ցաւն այս՝ շոյանքի անատակ  
Գէշ կանանց համբոյրին պէս՝ աղի՛ ու խըռով...:  
28—9—935.

ՋՄԵՌԸ ՑՈՒՐՏ ՄՇՈՒՇՈՎ...

ՉԸՄԵՌԸ ցուրտ մշուշով ներս կը սուզի մատներէս  
Ու հոգիիս կը հըպի մեռելի ցուրտ մատին պէս,  
Օրը հանդարտ կը հակի մայրամուտին ու իր հետ,  
Իր մըշուշին պլլըւած, կ'ըլլայ տարին ալ անհետ:

Այսօր ուրախ ու զոհ եմ: Պզտիկներու ծիծաղէն  
Ու նոր հարսի պէս պճնած կաղանդի սա սո՛ւրբ ծառէն՝  
— Որու ճիւղէն առկախուած մեզ կը ժպտին ընծաներ —  
Խաղաղութի՛ւն մ'անսահման կը բարձրանայ սիրտս ի վեր:

Կը բարձրանայ սրտէս վեր ու կը հըպի՛ հոգիիս  
Մանկութենէս յուշ մը հին, բայց չի յուզեր հիմա զիս.  
Քանզի նոր կեանքն է ձըգած արմատներն իր սրտիս խոր:

Ամանորեան նո՛ր կամքով, նո՛ր իղձերով բեռնաւոր,  
Հին տարիէն՝ նո՛ր տարի, խօ՛ւ վերելքի ճիգով մենք  
Կիսատ թողուած յոյսերու իրագործմա՛ն կը դիմենք...  
22 - 12 - 933.



ՎԵՐԱԾՆՈՒՆԴԻ ԵՐԳԵՐ

ՄԵՇԵՆՆԻՆ մէջ, պատուանդանին վըրայ, լո՛ւու,  
Կը կոթողի մարմարակերտ դիցունհին,  
Ու իր պաղած քար աչքերովը մաքուր  
Կը դիտէ խո՛րքը մըթին:

Խոյակազարդ դահլիճին մէջ անձկազին,  
Գեղեցկութեան պէս հոլանի, հերքը ծով,  
Կը հսկէ ցայգն ամանորեան լուսնակին՝  
Նաւասարդեան յոյզերով...:

Ահա՛ արփին լերան կատարն է հասեր.  
Խըրախճանքի եղջիւրներն ա՛լ կը յորդին,  
Հազար ձեռքէ պիտի ձօնուին դափնիներ  
Աստուածուհւոյն հակատին:



85-85081

Բայց դուրսն է լուռ, ո՛չ մէկ թափօր տօնական.  
Կը յամենայ քուրմերու երգն որոտալ,  
Ցըլամարտիկ քաջերու շուրջ յաղթական՝  
Ո՛չ որ կուգայ ընծայ տալ:

Անոնք գացին բոլորն ալ զո՛հ Յիսուսի.  
Աստուածաւեր կոտորածէն ի՛նք միայն  
Խընայուած, հոս՝ մեհեանին խորքն ամայի,  
Կ՛ողբայ լըքո՛ւմն իր դաժան....:

\* \* \*

Ես կը տեսնեմ սակայն ամբոխ մ՛որ կուգայ,  
Գինով՝ անցեալ փառքերու լի՛ կարասէն,  
Նոր դիւցազներ՝ ըզգեցած զէն ու զըրահ,  
Կոյսեր՝ որ վա՛րդ կը նետեն:

Լայն է նամբան ուրկէ՛ մրրիկն այդ գըրոհ  
Կուտայ՝ դառնալ դարձեալ իր հի՛ն կըրօնքին,  
Կը պաշտուի դարձեալ Աստղիկը՝ սիրոյ,  
Գեղեցկութեան դիցուհին:

Իր մայրական լայն կողերովը բերրի  
Անահիտն ալ յըղի է նո՛ր երկունքով,  
Անոր ծոցին մէջ ոսկեկուռ կը կերտուի  
Ձեղին հանճարն ու կորով:

Ու ցեղն երէկ կոտորակուած, կէ՛ս արդէն  
Այսօր կը ծնի նո՛ր աստուածներ, նո՛ր մեհեան,  
Ու հրկիզուած տաճարներու մոխիրէն  
Կը կանգնի նո՛ր ասորուշան....:

Մեր սիրտը լայն է քացուած նոր յոյսերու,  
Քացուած էին ինչպէս դոներն հայրենի  
Մեր տուներուն՝ առջեւ ամէն հիւրերու,  
Եկու որ ամէն օտարի:

Մենք կը սպասենք նոր զարունի մ՛օրհնածիր՝  
Բողբոջելու հայրենիքին լանջքին վրայ.  
Հայրենաբաղձ Արարատն իսկ տարագիր՝  
Հայաստա՛նը կը ցանկայ....:

Շրթներնուս վրայ կը բռնկի երգն հայրենի  
Մեր դաշտերուն՝ զերթ համբոյր մը մերժուած,  
Ու պաշտամունքը հեթանոս, ըղծալի՛  
Մեր կըրօնքին կորսուած....:

Ըսպատէ՛, ո՛վ Կոյս, պիտի օր մը սակայն  
Վերադառնանք ներբաններով կիսամաշ,  
Նորոգելու պաշտամունքը թովչական  
Քու մեհեանիդ սրբատաշ....:

## ԱՍՏՈՒԱԾԱԾԻՆԸ

Դե՞ռ կը վառի կանդեղն հսկող մատուռին  
Եւ անձանձրոյթ լապտերին դէմ այդ տժգոյն,  
Ակնարկին մէջ անհրնարին թովջութիւն,  
Կը ժպտի կին մը սրբացած հոն լըռին...:

Ձքնաղ է նա, եւ մեր սրտին պաշտելի՝  
Սուրբ, այլ գուցէ եւ հեթանոս պատմառն այն,  
Որ իր ծոցին ու կողերուն կուսական,  
Գաղտնի պարպեց լոյս կենսահիւթն աշխարհի:

Օր մը ճանչցան սէրն՝ իր շրթները դողդոջ  
Եւ կողերն իր արբեցան ցա՛ւն երկունքին,  
Անձկութեամբ ու գուրգուրանքով մայրական

Սեղմեց կրծքին աստուածային երեխան.  
Ի՛նչ փոյթ, նոյնիսկ չըլլա՛յ պատկերն ան Կոյսին՝  
Մայրութիւնն է աստուածացումը կընող:  
1928.

## ԸՆԴՎԶՈՒՄ

ՓրթՍԾ կողքով աւետարան, էջերն հատ հատ կը փըլին,  
Մարդկութիւնն ալ կը պած անոր թերթիկներուն հին ու հաստ,  
Ուրիշ կեանքի մ'իւր ըղձանքին դեռ կ'որոնէ զուր մէկ փաստ.  
Մինչ մըտածումն իր աներկբայ մըտած է իր նոր փուլին:

Կ'անգիտանայ եւ կ'ուրանայ այդ գրքի չարն ու բարին՝  
Որուն մէն մի տողին տակէն մեղք մ'իւր գըլուխը անսաստ  
Դուրս կը ցըցէ: Եւ խոստումնե՛ր, եւ խոստումնե՛ր անիմաստ,  
Դեռ միջնորդներ՝ որ ոսկեգօծ անոր կողքին կը փարին...:

Այդ գիրքն հին է ու կեանքը նոր, նո՛ր պայմաններն ուր կ'ապրինք,  
Նոր գիրք մը մեզ հաճէ ղրկել վերէն, հրեա՛յ մարգարէ,  
Որ քիչ մը գութ սրսկէ մարդոց սրտերուն մէջը քարէ:

Հերի՛ք՝ որքան մենք տըւայտինք ըսպասումի մէջ խոնարհ,  
Հերի՛ք՝ որքան կորսնցընենք կեանքի իմաստն ու աշխարհ,  
Բա՛ւ է որքան մահու գործիք՝ մենք խաչիդ փայտը պագինք...:  
23—12—934.

Կ Ի Ր Ա Կ Ի

ԱՅՍ մեծ քաղքի փողոցներէն հաւաքեցի ինչ որ կը մնար  
Անծէս, կեանքէս, ըղձանքներէս, երազներէս իմ անհամար,  
Զանոնք կապած երկաթ ճամբու մը երկաթէ անիւներուն,  
Փախուստ տըլի դէպի դաշտեր, անսահման գիրկն անտառներուն:

Ու ես հիմա, կարծես հովիւ եւ կամ զիւղի անուս տըղայ,  
Փըռեր հասակըս պառկեր եմ բլրան կանաչ մէջքին վըրայ.  
Քանի մը շող ներս կը սահին իմ կիսախուփ թարթիչներէս  
Ու իմ սրտէս՝ վիհի՛ պէս բաց, ամրան ամբողջ բերկրանքը ներս:

Ռունգերուս մէջ կը ծաւալի այրող բնութեան բուրումը բարկ,  
Ու ծառերուն ծրուած ճամբով առուակ մ'ալ հոն արծաթ երակ,  
Ա՛լ չի՛ հասնիր ականջներուս T. S. F. ի ձայնը պոռոտ,  
Ու կարծես պահ մը կը մոռնամ իմ հայրենի զիւղիս կարօտ....

Օ՛ր այս բեղուն անդորրին մէջ, հայեաքցս երկինք, չեմ իսկ տեսած՝  
Որ բարձրացած արեւն երկինք, արդ միւս կողմէն ալ կ'իջնէ ցած.  
Այլեւրս չե՛մ ուզեր դառնալ, շնչել քաղքի շունչը դեղին:  
Կարծես արմատ ծրգուած ըլլար իմ մարմինէս սի՛րտը հողին....  
8—7—934.

Պ Ա Ա Լ Պ Է Ք

ՊԱԱԼՊԷՔԻ աւերակներն հեռաւոր,  
Արդէն հազած հիր պամուճանն արեւին.  
Իրենց ոտքէն դէպ սիրտն իրենց բարձրացող  
Իրիկնային ստուերին մէջ կը թաղուին:

Ո՛ր հին հեքեաթ, — երբեմն դուք նրբատաշ  
Պալատն էիք թագուհիին հընօրեայ,  
Ու կը պահէք ձեր պատերուն կիսամաշ՝  
Հրապոյրն անոր ժրպիտներուն հոգեհմայ....

Ես զինովն եմ ձեր պատմութեան քրմածին  
Ու մէկն՝ այն բիւր ոգիներէն, որոնք հեզ  
Ձեր անցեալի երազին շուրջ կը յածին:

Տժգոյն ժրպիտ մ'անոնց դէմքին կը թառի  
Վէրքի նրման, հովերուն երգն ալ կարծես  
Երանութեան նրբին լարն է կիթառի....  
28—6—926

## Տ Ր Տ Մ Ո Ւ Յ Ի Ի Ն

**ԱՇԵՆԱՅԻՆ** գորշ ծառերուն տակ տրտմագին,  
Ես կը քալեմ ուխտաւորի մը նըման՝  
Որ ա՛լ չունի պաշտելու կուռք ու խորան,  
Ու կը սպառի հոգւոյս մէջ յո՛յսը յետին:

Մէկ մէկ կ'իյնան ծառերէն վար տերեւներ,  
Կ'իյնան ինչպէս յուշերն ապրած օրերուս,  
Ինչպէս կ'իյնայ գիշերը սեւ ու անյոյս՝  
Պարուրելով բոլոր գոյներն ու ձեւեր:

Պատանքեր եմ արդէն վերջին ըղձանքս ալ,  
Որ կը պահէր զիս դեռ կեանքի վերելքին  
Ու երազներս՝ որ մի առ մի կը լըբուին....

Այսօր հոգւոյս մեռելոցի գիշեր է.  
Բայց, պարտասուն՝ բիւրաւոր դառն յուշերէ,  
Ա՛լ անկարող եմ ես բոլորը սրգալ....  
1929.

## ՅԱՅԳԱՆԿԱՐ

**Ծ ՈՎՈՒՆ** նայող լուսամուտիս առնթեր  
ձակատս ափիս կուլամ... հոգիս տըխուր է.  
Ես արդ լըբուած անհրնարին տենչերէ,  
Կ'ըղծամ նետուիլ ծովուն մէջ որ կուլայ դեռ:

Ամպին ծայրէն՝ տժգոյն լուսնակն այս գիշեր  
Լազուարթ ծովուն ծիրը ծրփուն կ'արծաթէ,  
Ժայռ մ'ալ հեռուն, մութին մէջէն կարծես թէ  
Հի՛ն կըրօնքի դիցուհի մ'է սրբանուէր:

Մութ ստուերները մերձակայ ժայռերուն  
Լուսընկազօծ ջուրերն ի վար կը կախուին,  
Ու հոն, ուր զոյգ կապոյտները կ'համբուրուին,

Լոյս առագաստ մը կը սահի երերուն.  
Ու կը լայննայ կաթնածիր հետք մ'իւր ետին  
Սըտիս պէս որբ՝ ուր երազներ կը խաչուին....  
1926.

## Դ Ե Կ Տ Ե Մ Բ Ե Ր

ՀԱՄԲՈՅՐԻ պէս, կ'իյնայ դէմքիս առաւօտեան ժրպիտը պաղ  
եւ մատներուս մէջ կը դողայ աշնան թօշնած տերեւ մը նոր.  
Մինչ ծառերու մերկ ճիւղերուն հովը կուտայ ծիծաղ մը չոր,  
Իմ հոգիիս կը կը յաճախէ հայրենիքէս յո՛ւշ մը չքնաղ:

Հին օրերու յուշին կառչած հիմա կ'ապրինք հեզ ու նըւաղ  
Զըմեռնամուտն՝ օրուան, կեանքին, մեր իղծերուն հէք ու անգօր,  
Անգօր՝ նոր կեանք մ'ու նոր երանգ փոխ տալու մեր շրթներուն գոր  
Զմբան առջին հողմին արդէն կապտացեր են, աւա՛ղ, աւա՛ղ...:

Ինչպէ՛ս մոռնալ անցեալը մեր, կառչիլ տըխո՛ւր սա ներկային,  
Կեղծել կենցաղն անհարազատ օտարի տան, ու անոնց մէջ  
Եւ անոնց հետ ըզգալ ինքզինք այնպէս տրտում ու առանձին:

Պիտի կրկին գարունը գայ, պճնէ դարձեալ մարգն ու պարտէզ,  
Ամէն սրտի բաղձանքը տայ եւ մոռցրնէ վիշտերն ալ գէջ,  
Եւ պիտի, մի գուցէ, աւա՛ղ, անգամ մը եւրս մոռնայ մեզ...:  
23—11—932.

## Ի Մ Գ Ի Ի Ղ Ս

Նորէն թախիծն է գրկեր գիւղն աւերուն,  
Ու հով մը խուլ կը կաղկանծէ դաշտին մէջ  
Սուգն անպատում տերեւաթափ ծառերուն,  
Եւ աշունն ալ կ'իյնայ առէջ առ առէջ:

Ու ես առջեւ գիւղանկարին այս տրտում  
— Պատերազմի արհաւիրքներն ողբերգող —  
Կը տառապիմ արտասուելու անկարող:

Ո՛վ իմ գիւղակս հայրենի, ո՛րք, աւերած,  
Այժրմ, աւա՛ղ, լըքուած նոյն իսկ երազէդ,  
Զորցած բաղեղ մ'ինչպէս ծառին պլլըւած,  
Կը յամառիս պահել պատրանք մ'անցեալէդ:

Դուն իմ սրտիս առկայծող ջահն ես սիրուն  
Զոր կը սպառնան մարել հովե՛րը վաղուան.  
Բայց ես, գի՛ւղ իմ, քեզ պիտի բնա՛ւ չըմոռնամ...:  
13—8—927.

Մենք, սրգաւոր յուշերու անհանգրըւան ուղեւոր,  
Այսօր հրպարտ ահա ձեր փառքին առջեւ կ'առնենք կանգ.  
Մեր երէկին համար հէք, վաղուան համար լիակեանք,  
Ձեր շիրմին վրայ դընելու անմոռուկի փունջ մը նոր:

Դուք մեր շրքեղ այսօրին յարութեան երգը եղաք.  
Դորշ ամպերուն ընդմէջէն մեր սրտերուն վրայ սուգուող  
Բազմադարեան տենչերու արեգնային պուտ մը շող,  
Մեր սրտին խոր դեռ հնչող յոյսերու ծո՛վ արծազանգ:

Ապրիլեան սեւ իրիկունով մ'իր թուփերէն սիրաւէտ  
Խլուած վարդերն եղաք դուք մեր պարտէզին հայրենի,  
Արդ մեր հոգւոյն մէջ՝ տըխո՛ւր կ'իյնայ ժըպիտն արեւի...:

Որքա՛ն անշուշտ կ'ուզէիք այսօր ըլլալ մեզի հետ,  
Մեր յոյզերով տառապիլ եւ ժպտիլ մեր յոյսերով,  
Ու հին երազն — իրակա՛ն այսօր — գրկել կոյս սիրով...:

ՔՐՍԱՆ ՏՍՐԻ՛...: Ես կը յիշեմ իբրեւ երէկ ըլլար ան:  
Ես կը յիշեմ նայուածքդ աղու, աչքերուդ գորշը բարի՛.  
Որ աչքերուս մէջը գրկած ինձ հետ ամէն տեղ տարի,  
Յուսկ յիշատակ քեզմէ ինձի՛ լոկ քու անո՛ւնդ հայրական...:

Ես հիմա մարդ եղայ այլեւս, մարդ մ'որ գիտէ, օ՛, աւա՛ղ,  
Արժէքն այլոց ժըպիտներուն, երիտասարդ մ'որ արդէն  
Շատո՛նց տեսնել վարժըւեցաւ ամէն չարիք չա՛ր մարդէն:  
Որու սիրտն է յուզուած ովկէան, իր ժըպիտին տակ խաղաղ:

Տառապեցա՛ր, գիտեմ հայր իմ, քսան տարի վերջ, վշտակիր,  
Կ'ըմբռնեմ որքա՛ն մեծ եղաւ քու տառապանքդ այն պահին,  
Երբ դիմացդ կանգ առաւ յանկարծ դժխեմ ստուերը մահին:

Ո՛չ թէ կեանքին համար՝ որ լոկ տեսիլ մ'է ու յիշատակ,  
Ո՛չ իսկ ունայն այս աշխարհին՝ կըքած ցաւին բեռան տակ,  
Այլ աւելի անո՛նց համար՝ որ քու ետե՛ւ ձըգեցիր...:  
24—4—935.

## ՀԱՅՐԵՆԱԲԱՂՋՈՒԹԻՒՆ

ՇՈՒՆ, հեռաւոր ու լրբուած, ահե՛ղ ծովու մը ափին,  
Ուր հովն իր երգն հընօրեայ դեռ կը նեռէ ափերուն,  
Կանաչներու մէջ կորած դեռ կայ զիւղակն իմ սիրուն,  
Գամբռի մը պէս յանձնըւած տիւանդորրի մըրափին...:

Ես կը կարծեմ դեռ տեսնել հսկայ ծառերը խոհուն՝  
Պարտէզին մէջ օճանուտ բուրեան ցողովը ցայգին,  
Որոնց վըրայ կը լայննար աղօթքի պէս սրբագին՝  
Զանգն հեռաւոր մատուռին այգուն շողովն ակաղծուն:

Վերադառնա՛լ, ա՛հ ի՛նչպէս, քու մայրական զգուանքին,  
Մոռնալ, այլեւըս մոռնա՛լ պանդուխտի ցաւն ու նորէն  
Եղբայրանա՛լ յիշատակ դարձած նախնի՛ մեր կեանքին...:

Գիտեմ, հիմա ա՛լ չըկան հին դէմքերն այն գուրգուրոտ,  
Որոնք պիտի աչքերուս մէջ ծովանան ուղխօրէն...  
Բայց այդ լալո՛ւ հանոյքին հոգիս այնրա՛ն է կարօտ...:

## Մ Ե Ղ Ա՛

ՇԵՌԱՒՈՐ զանգը մատուռին զիս կը կանչէ դարձեալ իրեն,  
Ու մանկութիւնս ինձ կը նայի հին օրերու քա՛ղցըր ժպտով.  
Կ՛ուզեմ «Հայր մեր» մը մըմնջել պատիկ տըղու մը պէս թոթով,  
Ու կը ցանկամ՝ պատէն կախուած սուրբերը զիս դարձեալ սիրեն:

Կը փափաքիմ ներկայ ըլլալ, օ՛ր գոնէ մէ՛կ պատարագի  
Ու ամէն մէկ քու անունիդ մտքէս ի սիրտ խաչակնքել.  
Շարականին սրբախորհուրդ կրկնել բառերն՝ հընուց ընտել,  
Ու քեզի հետ, Տէ՛ր, պահ մը գէթ, հաղորդըւիլ միտք ու հոգի...:

Անկեղծութեամբ զայթակղել սա զիտութեան կարծըր վըճիռէն  
Ու ո՛չ միայն քեզ հաւատալ, հապա վստա՛հ զիտնալ որ կաս  
Ու մականիդ մտնել ներքեւ, ինչ փոյթ, ի՛նչ փոյթ թէ մաս առ մաս:

Աւա՛ղ սակայն, բոլորին պէս՝ որ զիտութեան կը վըճարեն  
Ամենաթանգն իրենց անձէն, ես ալ, ո՛վ Տէր, քե՛զ կորուսի.  
Այժմ իմ հոգիս քու կըրակէդ զուրկ է այլեւս, ու կը մըսի...:

## ԾՆՈՒՆԴԻ ՀԻՆ ԵՂԱՆԱԿ

ԱՒԱՂ, իմ դէմքըս փոխուած է հիմա,  
Մանուկ օրերուս արդան չեմ ա՛լ ես.  
Օրեր՝ որ հեռու փախած են այլեւս,  
Որ գուրգուրանքով կը յիշեմ ահա՛:

Կը յիշեմ արտում գիւղակս ու Աստուած,  
Երկնքին քրտուող ծառերը բարտի,  
Հորիզոնն ուր մեր գիւղը կ'աւարտի,  
Ուր աղօթքի պէս սուրբ ժամն է կանգնած:

Կը յիշեմ ծնունդի զանգակներն առկախ  
Օգին մէջ, ու ես մանուկ մը ուրախ՝  
Տօն օրուայ աղուոր լաթերըս հագած

Կ'երթայի պագնել սուրբերն ու Աստուած:  
Ու կը յիշեմ մեր տունը խունկի՛ համ...  
Օրեր՝ որ եկան, զացին մէ՛կ անգամ:  
2-1-932.

## ԱՆՎԵՐՆԱԳԻՐ

I

Մէն, անարեւ ճամբու մ'եզրին՝ ծիւլ արծակած բոյսին նըման,  
Աղուոր ու հեզ երազներու անկարելի յոյսին նըման,  
Իմ հոգիիս թա՛փը ուժգին անարգասիք կը կորսուի  
Պարապութեան մէջ արծակուած անհանգըրուան լոյսին նըման:

Ես դեռ կ'ուզեմ անցեալս յիշել եւ արտասուել զայն անվարան,  
Կապոյտ երկինքը իմ գիւղիս, իմ հայրենի տունըս վէրան,  
Անծրեններուն տակ մընացած ջըրաներկի անգո՛յն պատկեր՝  
Կ'արտացոլայ ո՛չ մէկ երանգ անըջագուրկ սրտիս վըրան:

Անշո՛ւշտ թէ մաս մը մեր հողէն՝ հին օրերու կիսակործան,  
Դեռ կը պահէ արեւուն տակ մեր յոյսերուն դրօշը ծածան.  
Կը սիրեմ զայն, բայց չե՛մ մոռնար իմ սըզաւոր հայրենիքէս  
Առանց հայու, թուրքին լըբուած, աւելի՛ մեծ մաս մը սակայն...:

22-5-932.

ՍԱՐԻ կուշտին վըրայ խրճիթ մը ունիմ գորշ,  
 Երազի պէս անյայտ, յիշատակի մէկ բառ.  
 Անոր ձեւն ու գոյներ՝ մտքիս մէջ շատ որոշ  
 Եւ իմ սրտիս առթած հանոյքն է անըսպառ:

Արեւն անոր վըրայ ժըպիտ մ'է տաքուկ, ջերմ,  
 Լուսինն ամպերուն մէջ հարսի դէմք շրղարշեայ,  
 Գիշերն երկինք լազուարթ՝ որ ես շատ կը սիրեմ,  
 Կէսօրներն ամրային ծուլութեան յուզի՛չ պահ:

Օ՛, լալու աստիճան կը յուզուիմ ես յաճախ  
 Երբ խորհիմ, որ խրճիթն այդ՝ սրտիս մերժըւած,  
 Միա՛կ իղծս է, աւա՛ղ, միա՛կ պահըս ուրախ,  
 Իմ մութ հոգիս լուսող միա՛կ ճրագն առկայծ...:

1—2—935.

ՏԱՌԵՐՈՒՆ տակ կը կորսըւի մըտածումիս թելը բարակ,  
 Կարծես արմատ կ'ըլլայ անոնց՝ որ ցողունին սնունդ ջամբէ.  
 Եւ ուրիշներ՝ որ կը դառնան խոնջ ու տըխուր երկար նամբէ,  
 Եւ ուրիշներ՝ որ կը մեռնին ամբոխի ժիա շունչին նարակ:

Պիտի յուսա՛մ, մինչեւ հասնի մըտածումըս վըտարանդի,  
 Մըտածումս — հողէն բղխող գետ — որ արեւն յար կը խըմէ.  
 Բայց ան ուրիշ ուժեր առնէ եւ անվարան պիտի դիմէ  
 Նըպատակին. նոյն իսկ կաթիլ մ'ի՛նչ փոյթ, սակայն հասնի պիտի:

Ես բիւր երգեր հիւսեմ պիտի ու նուիրեմ ծառին, ծաղկին,  
 Դեռ նուիրեմ ունայնութեան եւ մեր կեանքին՝ տրտում ու հէք,  
 Դեռ նուիրեմ մեր դառնութեան ժպտող՝ քեզի՛ աղուոր արեգ  
 Որ տաքցընե՛ս աշխարհը մեր, որ պարտէզներն ալ մի՛շտ ծաղկին:

17—1—935.

ԿԸ ՄՕՏԵՆԱՅ նոր տարին քայլերով խո՛ր եւ վստահ,  
 Մինչ հին տարին խոյս կու տայ իւրաքանչիւր վայրկեանին.  
 Այս պահերուն է միայն կը զգամ թէ ի՛նչ թանկագին  
 Գանձ մ'էր՝ որ իր արժէքով գընահատել չըզիտցայ:

Վատնեցի ի՛նչ որ արեւն ինձ տուաւ լոյս ու բարի,  
 Ի՛նչ որ կեանքէն կորզեցի ես տաժանքով ու ցաւով,  
 Շուրջիններէս ըստացայ սաչափ զորով կամ խըռով,  
 Եւ այս բոլորն ամէն օր, աւա՛ղ, ամբողջ մէ՛կ տարի....

Ի՛նչ նոր խոհեր ուխտեմ ես ամանորի այս սեմին  
 Ու երագներ, ըղձանքներ տանիմ փոքրիկ աղղու պէս  
 Իմ մոռցրած սուրբերուս, ու խնդրել որ յոյսերէս՝  
 Բոլորը չէ՛, մէ՛կը գէթ ըզգենայ ձեւ ու մարմին....

28—12—934.

Օ՛ՏՐՏՈՒՄ զանգը հեռաւոր սա կոչնակին՝  
 Մառախուղին մէջ առտուան,  
 Ու արեւէն երիզ մը լայն,  
 Որ մանկութեանս կը տանի զիս ահա՛ կրկին....:

Գաղջ արեւուն զրգուանքին տակ արտերն ահա,  
 Ու մարգերուն վըրայ իջած  
 Լուրթ երկնքին համբոյրը թաց՝  
 Որ սրտիս վրայ աղօթքի պէս կը ծովանայ:

Այնպէ՛ս բարի եմ այս առտու, այնպէ՛ս խելօք,  
 Դպրոց գացող մանչու մը պէս.  
 Հին մանկութեան իմ երգերէս  
 Ա՛հ, յիշէի՛ ու երգէի երգ մը անհոգ....:

13—2—931.

Սհա կը սեւնայ կապոյտը ծովուն .  
 Լուսընկան անոր մէջքին վըրայ լայն  
 Կը կապէ լոյսի երիզ մը միայն  
 — Կուսական գօտի — աղամանդի՛ գոյն :

Նաւահանգոյցի մը քարին նստած ,  
 Ափին զարնուող ջուրի հծծիւնին  
 Հոգիս ունկնդիր , նաւաբեկումին  
 Կ'երազեմ առթած հանո՛յքը գըթած . . . :

Սիրենաներու պարն ո՞ւր է հիմա ,  
 Որ անոնց տարփոտ երգին մէջէն գէթ ,  
 Նաւաստիին պէս ծեր ու փորձագէտ ,  
 Հոգիս անունիդ վանկերը գողնայ . . . :

ԼԻՒՔՍԷՄՊՈՒՐԿԻ պարաէզին մէջ , արձանին տակ Լոռ տը նովին ,  
 Կը ժպտիս դուն ու կը վիճիս , կը նայիս ինձ . ուրիշներուն .  
 Դուն ներկայ ես դիմացըս , հո՛ս , այլ բացակայ , հեռո՛ւն , հեռո՛ւն ,  
 Ու ես քեզի հետ զիս կը զգամ այնպէս տրտում ու առանձին :

Թէեւ ջանք կայ ժրպիտիդ մէջ երեւնալու համար աղուոր ,  
 Լոկ քմծիծաղ մըն է սակայն , ինչպէս մտքիդ մէջ ամէն բան  
 Հիմա պարզ է թէեւ , բայց դառն , ունի սկիզբ նաեւ վախճան .  
 Սիրոյ մասին ես կը խօսիմ , դուն կը վիճիս ինձ հետ անդորր . . . :

Երազուն , սեւ աչուրներով աղջիկ մ'էիր երբեմն դուն ալ ,  
 Որուն բառերը պարզ էին , բառերուն տակ սիրտը գոհար .  
 Մինչ հիմա դուն դիմացս ահա , ինձի ծանօթ աղջիկ օտար ,  
 Ձոր բառերուն ներքեւ կորած՝ այլեւս ես չե՛մ կրնար ճանչնալ . . . :

## ԱՆՋՐԵՒՈՏ ԵՐԵԿՈՅ

1.

ՅՈՐԳԵԱԾ արեւը կ'իյնայ  
Արդէն սուներուն ետեւ .  
Ա՛հ պիտի գիշերը հիմա  
Առնէ մեզ թեւերուն ներքեւ .

Ա՛հ պիտի շրթներըս դարձեալ  
Արբին շրթներուդ վըրայ ,  
Կամ պիտի յուշերը անցեալ  
Տրտում դառնան մեզ հիմա .

Տժգունի՛ն իրերը, թո՛ղ  
Գորշանան մութին մէջ կրթին .  
Ո՛չ մէկ լոյս — աչքի պէս աններող —  
Չարիւնէ մեր սիրտը կրկին .

Թողլքուած գլուխդ ուսիս ,  
Անցնին պահերը արագ  
Եւ եթէ, հէ՛ք աղջիկ, մըսիս  
Չունենանք մոծի՛ր մը կըրակ . . . .

2.

Կամուրջի պէս խարխուլ՝ տըխտ՛ւր  
Չըգուեր է այսօրը վաղուան ,  
Եւ մարդը անիմաստ, իզուր ,  
Յոգնաբեկ կը քալէ համբան :

Կեանքն անզուսպ գետ մըն է, հեղեղ ,  
Կը քանդէ կողերն իր աւեր ,  
Հէք, աւեր մեր կեանքն ալ շատ հեղ  
Կը կարդայ մահերուն հրաւէր :

Ա՛հ, ինչո՞ւ արտասուել, սրգալ ,  
Երգի մը համար կամ աղջկայ .  
Մեր ապրած օրերուն անցեալ  
Մէկ իմաստ կամ արժէք չըկայ :

Թո՛ղ վաղուան մեր սրտերն յառին ,  
Գալիքին՝ անորոշ, լուսաւոր .  
Ի՛նչ փոյթ թէ՛ այսօրն է դըժուարին ,  
Կամ վաղն ալ անիմաստ մէկ այսօր . . . .

3.

Բարակ անձրեւը կ'իջնայ մինչ  
Փողոցին մէջ տըխուր եւ մութ,  
Ես կը խորհիմ երկնքին ջինջ  
Եւ օրերուն զարնանամուտ:

Ես կը յիշեմ օրերն անցած  
Լըքումներու եւ զրկանքի,  
Ես կ'երազեմ պահերն անդարձ  
Երգի, սիրոյ, գուրգուրանքի....

Երգ չըմընաց շրթներուս վրայ  
Որ քեզ համար երգած չըլլամ,  
Վէրք չըմընաց այլեւս ահա՛  
Որուն բովէն անցած չըլլամ:

Երագներու սեմին լըքուած՝  
Ո՞ր աստուածին արդ հառաչել  
Բայց անըստոյգ եւ անաստուած  
Ինչպէ՛ս մահուան ընդառաջել....:

20—10—929.

## ԱՐՉԱԿՈՒՐԴԻ ՕՐԱԳԻՐ

ա ո ա լ օ ս ե ա ն պ ս ո յ ս

Արասիաներ են կախուեր ցանկապատէն գեղազարդ  
Ու ծաղիկներ կը ցօղեն օրօներուն վրայ անցնող,  
Կը ճերմըկի ճամբուն վրայ ամրան փոշին լուսաշող,  
Կը յօրանջէ արեւն ալ աղջկայ մը պէս նորազարթ....:

Ծաղիկներն են բազմերանգ, բազմաբուրեան, որ կարծես  
Կը ճգնին նոր երանգներ բերել կեանքին մեր զունաստ.  
Միւս կողմըս մինչ բի՛լ ծովն է, խորունկ, լըռին ու հանդարտ.  
Ես կը դառնամ յամրաքայլ առաւօտեան պըտոյտէս:

Փրւածիւն վրայ կը փռուի մարմիններու գոյնն անոյշ  
Ու հարմօցի կը ստեղծէ կապոյտին հետը ծովուն,  
Կ'իյնայ արեւն՝ հրդեհուած հսկայ գունտի մը հանգոյն,  
Յետ-միջօրէն կը լայննայ քընաթմբիւր ու քնքոյշ:

Պատշգամէս կը դիտեմ. շատ հեռուէն, միատարր  
Լոկ գոյնը ինձ կը հասնի միսերուն այդ կանացի,  
Ու տաք լոյսէն կիսասքօղ նայուածքս ի զուր կը յածի  
Եւ նուրբ գիծերը անոնց ես որոշել չեմ կրնար . . . :

ՄԵՂՄ կը բացուի ցայգանկարը ծովափին թիւրեղեայ,  
Հին նաւակ մը ձկնորսի ծովուն լանջքին կ'իյնայ, գորշ  
Անձեւ քանի մը գիծեր ու երանգներ անորոշ.  
Եւ ցայգահովն ալ արդէն՝ որ թեւերն իր կը բանայ:

Ծովը մերկ կին մ'է կարծես, ա'լ մոռցըւած տարփուհի,  
Որ կը փրռուի ֆրլաժին վըրայ յորձքով մը երկար,  
Կը տժգունի ժայռին վրայ փարոսին լոյսը տըկար.  
Նաւակս ալ մեղմ նազանքով լուրթ ծովն ի վար կը սահի:

7—7—928.

ԻՐԻԿՆԱՍՈՒՏ ԱՇՆԱՅԻՆ

J'ai plus de souvenirs  
que si j'avais mille ans.  
(Spleen) CH. BAUDELAIRE

Ու՛ է՛ հովին մէջ կ'երգէ սէրն աշնան, —  
Ու մարգագետնին մէջ ծիլ ու ծառեր  
Խենթ կոյսերու պէս լու՛ն կը մերկանան . . . :

Յիշատակի երգ մ'է աշունն ինձի,  
Հէք երազներուս վշտակոծ ոգին՝  
Որ դաշտերուն մէջ տրտում կը յածի . . . :

Քանի՛ յուշերու ժպտեցաւ հոգիս,  
«Ու իբրեւ թէ դա՛ր մ'ըլլայի ապրած՝  
Որքա՛ն յուշերու բեռն ունիմ ուսիս»:

Շարժանկարի նման կեանքս անցաւ անդարձ  
Ու փոխանակ ե՛ս ապրելու զանի  
Լոկ հանդիսատես մընացի անվարձ . . . :

Աւա՛ղ, երջանիկ ըլլալս չե՛մ յիշեր  
Մէ՛կ օր, հոգեկան վայելքի մէ՛կ պահ,  
Յանգեցան յոյսերս ալ չեղած գիշեր :

Յոյսերուս հանգոյն յանգեցաւ շա՛տ վաղ  
Օրն, ու բընանկարն ալ կը խառնըրի  
Իրիկնամուտի ցոլքերուն նըւաղ . . . :

24—8—932

## ՍԻՐՈՅ ԵՒ ՏԱՐԱԿՈՅՍԻ ԵՐԳ

ԱՄԻՍ մըն է, այնքա՛ն փոխուած կը զգամ ես զիս .  
Որ այլեւս չեմ գիտեր՝ ուրա՞խ եմ թէ՛ տըխուր .  
Մըտածում մը անուշ կը կառչի ըստուերիս  
Նոր յոյգեր լեցնելով հոգիիս մէջ թափուր :

Գարնան արեւը ջերմ՝ ուսերուս կը թափի,  
Այլ կ'իյնայ շուքը վրաս տարակոյսի թեւին .  
Յիշատակդ եմ գրկած մասունքի պէս սուրբի,  
Ու միայն քե՛զ կը խորհիմ քաղցրօրէն, հոգեւի՛ն :

Մայիսի շունչը գաղջ, երակներուս մէջէն,  
Դեռ ինձի կը բերէ ըղձանքներ գողունի .  
Մըտերիմ հին բառեր սրտիս խոր կը հնչեն,  
Անմատոյց փունջ մը վարդ ձեռքերուս կը թօշնի . . . :

Քառորդ դար է կ'ապրիմ, կը խորհիմ ու կը զգամ,  
Ու կը գտնեմ որ կեանքն հիմա նո՛ր տակաւին  
Իղձերուս կը ժպտի ծիծաղով արնաքամ,  
Րոպէներն ալ հիմա ինձի դա՛ր կը թըւին...:

Ա՛հ, ինչպէ՛ս չըսիրել քեզ՝ երա՛զ նըւաղուն,  
Կեանքի ժըխորին մէջ հեզօրէն շեջող վանկ,  
Շիթ առ շիթ, գարնային անձրեւի՛ պէս բեղուն,  
Դառն հոգւոյս մէջ լեցուող ըղձալի՛ տառապանք...:

12—5—933.

## Մ Ի Ն Ա

ա ու ա օ ի ն ե ր գ

**ՓԱՓԱՔԵԾԱՅ** որքան, Տէ՛ր, որ ցան իմ ոչ որ գիտնար.  
Նոյն իսկ աղջիկն այն անոյշ, աչուրներով ջինջ ծաւի,  
Որ իմ սրտիս մէջ հեղուց դժխեմ սափորը ցաւի,  
Եւ անցնէի մէն, լրո՛հն, նըման շուքի մ'աննշմար...:

Այլ սրտիս մէջ ալիկոծ սէ՛րը, ծովու մը նըման,  
Ամէն վայրկեան կը սպառնայ ափունքներէն նետուիլ դուրս.  
Կը մեղրանայ անուռն իր ամէն վայրկեան շրթներուս,  
Իր անուշիկ պատկերն է մի՛շտ աչքերուս հանդիման...:

Ինչ փո՛յթ, դիպուածն է նետած այսքան հեռու իրմէ զիս,  
Ճակատագիրն ընէ՛ իսկ հոգիս դրացի աստղերու,  
Պիտի սիրե՛մ զինքը միշտ, յիշատակն իր կը զեղու  
Մէկ ըղձալի՛ արբեցում մէջն որբացած հոգիիս...:

\* \* \*

Մեղմ ու հանդարտ կը ձիւնէ՝ քաղքին վըրայ հընաւանդ,  
Մահուան աղօթք մը կու լայ քամիին հեծքը հիւանդ,  
Ծառերէն վար տերեւներ մեղմ ու գինով կը թափին,  
Ջանձրոյթ մ'անվերջ տրտմական կը յամենայ գետափին:

Ի՞նչ փոյթ սաւանը ձիւնին՝ փըռուած ներմակ ամէն կողմ,  
Ի՞նչ փոյթ քամին՝ որ կ'ոռնայ փողոցին մէջ աղիողորմ,  
Վաղը արեւը կրկին պիտի փայլի ոսկենման,  
Ու բընութիւնը ժպտի վերագարթնումը գարնան:

Բայց ո՞վ պիտի տայ ինծի վերածնունդն այդ մեծափառ,  
Երբ ա՛լ ձիւնէ մագերուս ժամանակին շունչը սառ,  
Երբոր ամէն ինչ հագնի մութ պատմութեանը մահուան,  
Սրտիս հո՛ւրն ալ չըկրնա՛յ հալեցնել ձիւնն այդ ձմրան...:

\* \* \*

Այն ատեն ես միայնակ, ձմրան երկար իրիկունն,  
Երկար պիտի վերյուշեմ երազանքն հի՛ն օրերուն.  
Մեղանիս վրայ առկայծող յառած տժգոյն կանթեղին,  
Որուն լոյսը պիտի տայ դալուկ դէմքիս նոր դեղին՝

Որ աշնան օր մը այսպէս, աշնան օր մը տրտմագին,  
Մինչ ծառերէն տերեւներ մեծ ու պզտիկ կ'իյնային,  
Երկա՛ր կ'ոռնար քակին մէջ փոթորկաշունչ խենթ քամին  
Ու կ'անձրեւէր շարունակ գորշ տրտմութիւնն երկնքին,

Կը ժպտէի՛ր մինչդեռ դուն ժրպիտով կոյս ու անմեղ  
Կապոյտին մէջն աչքերուդ բանաժ Երկինքը բիւրեղ,  
Ես պատանի մը տժգոյն, մէջն աչքերուդ — ծո՞վ համայն —  
Նետեցի սիրտըս, բայց ծոփն այդ այնքան խո՛ր էր, այնքա՛ն:

\* \* \*

Այս գիշեր ես, հէ՛ք տըղայ, կանգնած Ռոնի ափունքին,  
Կը մանգաղէ մինչ լուսնակն նրբին շրջարշն երկնքին,  
Եւ մինչ Լիոն կը բերկրի լոյսերու մէջ՝ ծո՞վ արծաթ,  
Պզտիկ աղջիկ, չա՛ր մինա, կը մըտածեմ քու վըրադ...:

Ո՛չ իսկ մէկ կայծ սրտիս մէջ հին օրերու հրդեհէն.  
Ներկան երկաթ թեւերով կը գրկէ՛ զիս համօրէն,  
Ու կը փնտռեմ ես, իզո՛ւր, երջանկութիւնը անդարձ՝  
Որ կը ճանչնանք մէ՛կ անգամ, երբ ան արդէն է կորած:

Եւ համբոյրներդ, ի՞նչ փոյթ թէ՛ շրթներդ նոյնիսկ ըլլային  
Պուտ մը արիւն՝ քարացած թերթիկներուն տակ վարդին,  
Եւ քու մագերըդ քումայթ... Ամբողջ հրապո՛յր էիր դուն,  
Դո՛ւն, իմ սրտիս խոստացուած, ա՛հ, անմատոյց ընծայում:

\* \* \*

Ձրկրցայ նոյն իսկ ըսել թէ՛ պատկերովդ է լեցուն  
Հոգիս, թէ՛ լոկ դուն կ'իշխես իմ խոհերուն, իղծերուն:  
Բառեր՝ որոնց թերեւըս ըսպասեցիր, հէ՛ք Մինա...:  
Մին յիշատակ մ'ահա սոսկ, որ արդ մեզի կը մընայ,

Բաժանումի պահն է այն, բաժանման պահն այն անսիրտ,  
Ուր ես տեսայ աչքերուդ մարգարտանալն արցունքիդ:  
Դեռ կը յիշեմ՝ երբ եկայ քեզ լալ ողջոյնս հրաժեշտի:  
Չքնաղ պատկերդ այդ, աւա՛ղ, ինչպէ՞ս մոռնամ ես պիտի:

Ինչքա՛ն տժգոյն էր ժըպիտդ այտերուդ վրայ վշտաստուեր  
եւ զսպըւած հառաչանք մը, որ լանջքիդ տակ կ'ուռէր,  
Ահերուս մէջ յամեցող գուրգուրանքը մատներուդ,  
Ու պատկերիս դալկացումն աչուրներուդ մէջ կապոյտ....

\* \* \*

Սրտիս վըրայ կը լայննայ գիշերն անհո՛ւն խորութեամբ  
Ու սիրոյ երգ մը հեռուն հեծեծանքն իր կը սկսի,  
եւ զիս կ'առնէ հոլանի թեւերուն մէջն իր կոյսի  
Քու յիշատակդ անուշիկ, անկարելի՛ բարութեամբ:

Ինչպէս տժգոյն է այսօր ամպերուն տակ լուսնկան,  
եւ քու սէ՛րդ, հէ՛ք աղջիկ, աւա՛ղ, լըքուած մէկ սեւ օր,  
Ա՛հ դիպուածով զարնըւած աղանիի մը նըման,  
Սրտիս վըրայ կը ծալէ այժմ թեւերն իր վիրաւոր:

Դուն չըգիտնա՛ս մի գուցէ, Մինա, թէ սիրտ մը տըղու,  
Մըգաւոր սիրտը անոր՝ որ քեզ սիրեց օր մ'այնքան,  
Բազուկներն իր կը բանայ, այլ սրտին վրայ տարփական  
Փոխան քնքոյշ ուսերուդ մութ պարապը գրկելու....

\* \* \*

Կ'անցնի՛ ձըմեռը, կ'անցնին եւ այս օրերը տըխուեր,  
եւ ծառերն՝ որ ինկած են սերեւաթափ մահաթոյր,  
Վաղը կուգայ նոր գարուն, նոր արեգակ ու դարձեալ  
Տերեւներով նոր սիրուն կ'ըլլան բոլորը պճնեալ:

Ժամանակն՝ որ կը սահի, կը փոփոխէ այսպէս յար  
Տերեւն անոնց ու մեզի մեր տարիքն ու զաղափար....  
Այսպէս թէեւ կը տանջէ, աւա՛ղ, զիս սէ՛րդդ, Մինա՛,  
Գուցէ ցաւն այս, ո՛վ զրկանք, ինձ մշտապէս չըմընայ:

Գուցէ մոռնամ օր մը քեզ, անո՛յշ աղջիկ, որ այնքա՛ն  
Վայրագօրէն սիրեցի, տառապեցայ խենթի նման...  
Բայց ո՛չ, անունըդ ինձ հետ յաւերժանայ ու սառի  
Շրթներուս վրայ քարացած, նման սրգաւո՛ր համրոյրի....

Ե ր կ ր ո ր դ Ե ր գ

Մինչ ձորակին մէջ կանաչ կը հոսի Սորկը հանդարտ,  
Հին յուշերու դամբարան՝ ուրտեղ իմ սէ՛րս է թաղուած,  
Աղօթքի պէս սրբազան կը բարձրանայ առ Աստուած  
Իմ հոգիս հեւքը խոր՝ ու կը դիտեմ ես անթարթ

Երկվայրկեաններն՝ որ հիմա կարծես դարձեր են դարեր:  
Կարծես հին երգն ինձ կ'երգեն գիւղակն ու դաշտը ծաղկած.  
Բայց չեմ գտներ անոր մէջ հրնօրեայ շեշտն՝ որ անդա՛րձ  
Իրեն հեղուկ իրանին պլլած գետակն է տարեր...:

\* \* \*

Ինչ սրտերու ժպտեցաւ իմ սիրտս ու որքա՛ն սէրեր  
Ինձ մոռցընել չըկրցան նոյնիսկ տերե՛ւ մը ծառէդ.  
Ու կը սպառնայ ի՛նչ փոյթ մահն իմ օրերուս ակընդէտ  
Ու կեանքս հագիւ մէկ թելէ առկախ հօգուի՛ մշտերեր:

Վօկլի՛ւզ, ինչպէ՛ս կրնամ քեզ պահ մը մոռնալ, պահ մը լոկ.  
Դուն առաջին իմ սիրոյս եղար օրրանն, օրրեցիր  
Հոգիս կապոյտ երկնքիդ եւ աչքերուն միջեւ իր,  
Ու հիմա ես կը մընամ ցաւի՛ մը պէս անողոք:

\* \* \*

Սորէն կ'ուզեմ դառնալ ես քու հրմայքիդ հրնօրեայ  
Եւ իմ տըղո՛ւ հոգիով կապոյտ աղջիկըդ սիրել,  
Օր մ'ալ յաւէտ կորալիլ բաւիղներուդ մէջ անել,  
Աչքերուս մէջ ու սրտիս՝ սիրոյ բերկրանքն հոգեհմայ:

Բայց քու աղջիկըդ, Վօկլիւզ, բազուկներու մէջ ուրիշ  
Իր մայրութիւնն է նանչցեր. ինչպէ՛ս կրնամ պիտի ես  
Զուր արժէքով գանձն այդ հին հանել, նետե՛լ հոգիէս,  
Յետոյ աղբաստ սէ՛ր մուրալ փակ դռներու առջեւ միշտ...:

\* \* \*

Անուն մը լոկ կը մընայ քեզմէ ինձի իբր աւանդ,  
Որքա՛ն շատ է արդէն ան զիս քաղցրօրէն յուզելու.  
Ես կը շրջիմ սրտիս մէջ — մեռելական այցելու —  
Փունջ փունջ վարդեր նետելու սէրերուս վրայ աստ ու անդ:

Ու ես ահա՛ կը դառնամ, թերեւրս քիչ մ'աւելի  
Տըխուր, նաեւ թերեւս քիչ մը աւելի վշտաբեկ.  
Սակայն, Վօկլիւզ, ըսէ՛, ո՞վ գըտաւ իր սիրտը երբեք  
Ուրախ, զանի լեցնելէ վերջ յուշերով սիրելի՛...:

## ՕՉԵՐԸ ՀՄԱՅՆԼՈՒ ՀԱՄԱՐ...

Ա.

ՀՈԳԻՍ կապոյտ ովկէան մըն է անյատակ,  
Երգըս կոհակ՝ որ ժայռերուն վրայ դժխեմ  
Կը փշրըւի. ու տարերքին ես կ'իշխեմ  
Աւանդուելով ժամանակէ ժամանակ.

Նետէ՛ հոգիդ՝ ուռկանն ինչպէս ձկնորսի  
Հոգիիս մէջ այս բիւրախոց, բայց անդորր,  
Սիրտըս պիտի ես զետեղեմ մէջն անոր  
Եւ ան պիտի ձուկի մը պէս քեզ խօսի՝

Ձանձրոյթն անափ յաւերժական Ներկային,  
Ապագային ծերացնող յո՛յսն անձկալի  
Եւ Անցեալին մոռացման ցա՛ւը պատմէ:

Անփոյթ թէ դուն չըհասկընա՛ս բառն անոր,  
Ջայն անտեսես իբր առարկայ սընտտի.  
Նոյնիսկ մեռնի՛ ձեռքերուդ մէջ քու աղուոր....

23—4—935.

Բ.

ՀՈԳԻՍ հազար ակէ բղխող զեա մ'է արմոյն  
Ու դուն ուռի մը տրտմենի եզերքներուս.  
Մերթ կը քրտուիմ արմատներուդ քու ջըրամոյն,  
Գուրգուրանքովս իմ անապառ, անյա՛գ սիրոյս:

Առաւօտեան երգ մըն ես դուն շրթներուս վրան,  
Կամ ցայգային համրոյր մը հեզ, ինքնանըւէր.  
Սրտիս խորին անդունդներուն մէջ մշտական  
Արձագանգող երգ մը սիրոյ ցայգահրաւէր....

Կրծքիդ վըրայ ծաղիկ մ'եմ ես անհոտաւէս՝  
Որ բոյրերուդ մէջ արբենայ պիտի յաւէտ,  
Անհամարձակ՝ տալու տուրքն իր հրապոյրիդ կոյս:

Հոգւոյս թափուր մեհեանին մէջ դիցակորոյս՝  
Թոյլ տուր պաշտե՛մ ես արփըշիռ ու սիրակէզ,  
Մեր հեթանոս հին ծէսերու նո՛ր կուտքը՝ Քե՛զ:

12—9—931.

ՇԱՐԺԱՆԿԱՐԻ պէս ստուերտու ու խուսափող,  
 Ես կը յիշեմ յաճախ քեզի, տժգոյն աղջիկ,  
 Շրթներուս վրայ կը յամենայ անունդ աղուոր,  
 Հին, մոռցըւած երգի մը պէս մեւամաղծիկ:

Մարմնոյդ բուրումը ըզզլսիչ մահիճիս մէջ  
 Դեռ կը բռնկի ափ մ'հրդեհուած խունկի նըման,  
 Կը վերյիշեմ երբ գրգուանքի պահերն անվերջ  
 Սիրոյ մեր խենթ գիշերներուն երազական:

Կը յիշեմ, երբ կ'իյնար գըլուխդ հեշտագորով  
 Համբոյրներուս տակ խեղդըւած, հեզ ու բարի  
 Ու կ'ըսէիր դուն գգուանքոտ նըւաղանքով, —

«Օ՛ յոգնեցայ, հանգիստ թող զիս ա՛լ, սիրելի...»:  
 Հիմա, սակայն, ես կը ջանամ քիչ մ'ամէն օր  
 Առա՛նց ճիգի սէր ու համբոյր մոռնալ բոլոր...:

1929.

ՍԻՐՏԸՍ նաւակ մ'է, կը նաւեն յոյսեր  
 Կեանքիս ալեկոծ ովկէանին վըրայ:  
 Իղծերս են խաչուած հոգւոյս լըքաւեր  
 Խաչափայտերուն՝ անյո՛յս, անվըկա՛յ...:

Ո՛չ մէկ սէր այլեւս, աւա՛ղ, ոչ մէկ սէր  
 Որ իմ սրտիս մէջ դառնացած չըլլայ.  
 Ու կը սպասեմ ես դարձեալ այս գիշեր  
 Նոր սիրոյ մը դեռ, ուրիշ մէկ աղջկայ...:

Յոգնած ու դանդաղ՝ պահերը կ'անցնին  
 Հիւանդ քայլերովն իրիկնամուտի.  
 Ոչ մէկ կոյս սակայն որ հոգւոյս ժպտի...:

Ու սիրերգին տակ լուսնի կապոյտին,  
 Արդ իմ վա՛րդ հոգիս կ'ըլլայ թախծագին,  
 Սիրոյ անմատոյց ծաղկեփո՛ւնջ մը սին:

1925

**ԳԻՏԵՄ**, անունը ի՞նչ է  
 Այն աղջրկան՝ որ ամպերուն մէջ լրոհին,  
 Յաւերժահարսը տառապող երկնքին,  
 Գէպի երկինք հոգիս իրեն կը կանչէ...:

Լուսնա՞կն: Աւա՛ղ որ ան չէ  
 Աչքերուս դէմ մարուող պատկերն այն անգին,  
 Որ մահուան մէջ փնտռեց լուծումը կեանքին,  
 Եւ որ հոգիս այսքան սաստիկ կը տանջէ...:

Եւ սա կոչնակն ալ ի՞նչ է՝  
 Որ մատուէն այսքան թախծոտ կը հնչէ  
 Եւ ո՞վ է ան որ այս պահուս կը ննջէ...:

Ո՞վ կը տեսնէ հրեշտակին  
 Փախուստը սա, որ կը տանի լուսնակին, —  
 Իմ հոգիէս կողոպո՛ւս մը թանկագին...:

Սա աղջիկն ալ պարտէզին մէջ թախտագին  
 Ծաղիկներն այդ, գիտե՞ս, ինչո՞ւ կը փնջէ:  
 1926

**ԼԻԻՏԵՄՊՈՒՐԿԻ** պարտէզին մէջ կը քալեմ մէն.  
 Արեւն անգոր լուսարձակի ապակի մ'է  
 Որ զլխահակ մայրամուտին իր կը դիմէ,  
 Ու հովը պաղ կ'հողմակոծէ ծառերն ամէն:

Մերկ են անոնք, ու շուքին տակն անոնց չրկան  
 Այլեւս, աւա՛ղ, բառերն հերուայ սիրերգներուն,  
 Գգուանքներով, համբոյրներովը առլըցուն՝  
 Սա մեծ ծառին տակ ըսպասող այն աղջրկան:

Շրթներնուս վրայ րսպառեցաւ համն ինչքա՛ն վաղ  
 Մեր կեանքի վա՛րդ երէկներուն...: Ու կը մընանք  
 Անոնց անդարձ մեկնումին դէմ հիմա խոհուն:

Օ՛ր քաղցրութիւնն ապրըւած այդ վայրկեաններուն,  
 Զո՛ւր վատնուած անգիւս բարիք, երազակեա՛նք...  
 Արդ տրտմութիւնը սա ներկայ պահին նըւաղ

Տակաւ ըզմեզ կ'ընտելացնէ մահուան. աւա՛ղ...:  
 1931.

ԹԵՐԵՒՍ հիմա ես աւելի իմաստուն  
 Թերեւս հիմայ փորձառու եմ աւելի.  
 Գուցէ չերգեմ պիտի այլեւս սիրելի  
 Երգերն՝ որոնք դեռ կը կառչին շրթներուն:

Ճիշդ էր անշուշտ՝ որ սիրեցի օր մը քեզ,  
 Յիշեցի քեզ, խորհեցայ քեզ, զղջացի  
 Նոյնիսկ որ դուն ինձի եղար զըրացի՝  
 Որուն դռնէն, սրտէն մըտայ օր մը ներս....:

Հիմա ոչինչ ունիմ՝ տալու փոխարէն  
 Յիշատակիդ, գոր թողուցիր դուն ինձի,  
 Որ կը դառնայ յաճախ երիզ մը բոցի,

Օ՛ բոցերու՝ որոնք հոգիս կը տաղեն.  
 Ու կը թաղեն զիս տակն իրենց մոխիրին  
 Քիչ մ'աւելի իւրաքանչիւր անգամին....:

14—3—934.



Օ ԱՌԵՐՆ իվար, ուսերուս վրայ կը ձիւնէ  
 Խնձորենին հերմակ ու վարդ ծաղիկներ.  
 Իմ հոգիս խորունկ երազն է բացեր  
 Գարնան յոյզով ծըլած ծաղիկ մը դժնէ:

Ո՛ր յոյսերուս կամ սէրերուս նրկարէն  
 Ինկած սերմն է հողին բերրի՝ կիրքերուս՝  
 Որ — ինչպէս լանջքն հողին — հոգին գիրքերուս  
 Այժրմ պատռած, դէպի երկինքն հըրեղէն....:

Դէպի արեւն՝ աներկեւա՛ն կը դիմէ,  
 Լըքած ինչ որ երկիրն ունի ծաղկավէր,  
 Ինչ որ հոգին օր մը հողին յանձնէ՝ դեռ....:

Մինչ կը հատնի կեանքն հին ըոպէ առ ըոպէ,  
 Նորոգ կեանքի մ'անհուն իղծով զրահատր՝  
 Ես այդ լուսեղ համբուն համբորդն եմ հըզօր:

4—4—934.





« Ազգային գրադարան »  
  
NL0361432

59274

30

2007

ԳԻՆ 12 ՆՐԱՆԲ